



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKUNGEZELELA (FAL)

IPHEPHA LOKUTHOMA (P1)

NOVEMBA 2011

IMITLOMELO: 80

ISIKHATHI: ama-iri ama-2

Iphepheli linamakhasi ali-11.

YELELA

1. Iphepheli LINEENGABA EZINTATHU: ISIGABA A, B, kanye NESIGABA-C.

ISIGABA A:	Ukufunda nokuzwisia	(30)
ISIGABA B:	Ukurhunyeza	(10)
ISIGABA C:	Ihlelo nokusetjenziswa kwelimi	(40)
2. Phendula YOKE imibuzo.
3. Funda YOKE imiyalo onikelwe yona ngokuyelela okukhulu.
4. Thoma isigaba ESINYE NESINYE ekhiasi ELITJHA.
5. Thalela ngemva kokuphendula imibuzo yesigaba ngasinye.
6. Tlola iinomboro zemibuzo njengombana zinjalo ephepheni lemibuzo.
7. Tjhiya umuda owodwa ngemva kwaley naley pendulo.
8. Tlola kuhle ngesandla esibonakalako.
9. Peleda amagama ngendlela efaneleko bewutlole nemitjho ezwakalako.

ISIGABA A: UKUFUNDA NOKUZWISISA

UMBUZO 1

Phendula UMBUZO 1.1 kanye NOMBUZO 1.2.

- 1.1 Funda itheksti engenzasi bese uphendula imibuzo elandelako.

AMA-SMS IHLEKELELE EKULU EKWAKHENI ILIMI!

Ukuthintana yindlela elula yokuveza imibono nemizwa yomuntu. Sekwaba lula ukuthintana nabantu abahlala kude nawe. Itheknoloji yenze lula bona ngomzuzwana nje, uthumele umlayezo ebanganini eeninini kanye nezitheni zakho. Abanikeli ngemisebenzi yezokuthintana bakunikela ama-SMS wasimahla bona uthintane nabantu abakude nawe. Uzakubona ngethabo elitlolwe emehlwani wabantu abathanda ukubetha umtato bona banikelwe ama-SMS wasimahla. Ubunengi bama-SMS bubangela abantu ukutlola nalokho abangakuthandiko.

Ukosazana Elsie Swart ongutitjhere welimi esikolweni sabakhulu, uyabalabala ngokusetjenziswa kwama-SMS. 'Solokho kwathonywa ukusetjenziswa kwama-SMS, abafundi abasasebenzisi amagabhadlhela ekuthomeni komutjho, bawasebenzisa hlangana nomutjho ukugandelela okuthileko. Abasalandeli nezakhiwo zelimi ngendlela efaneleko.' Ngokuya kuka-Elsie abafundi abanengi bacabanga bona ukutlola ngama-SMS yindlela yokutlola evumelekileko. Abasebenzisi bama-SMS babeka abonobangela abahlukileko ngendlela le yokutlola. Bathi ikulomo irhaba msinyana. Abanye bathi ama-SMS atholakala simahla emabubulweni wabomaliledinini angeze balisa ukuwasebenzisa. Lokho kubenza batlole ubuthaphuthaphu bama-SMS.

Nangaphandle kokutlolela imitlomelo, umuntu akangalahlekwa lilimi lakhe ngama-SMS. UPhrofesa Wannie Carstence, uthi, 'Abafundi abathoma ukufunda emayunivesithi badosa emhlweni ngelimi'. Uthi akusilo ilimi lesiNgisi abathaga ngalo kwaphela kodwana woke amalimi. Uraga ngokuthi abasakwazi nokuqedelela ikulomo kuhle. UCarstence uthi ngombonwakhe, abafundi babona ukuqakatheka kwesipelinghi nelimi eltsengileko nasele bathoma ukusebenza. Ingani kulapho sebathintana khona nabantu abanengi bamalimi ahlukahlukene. Ekugcineni ilimi le-SMS alaziwa bona liwela kuphi.

Abantu abatjha abasalali nokulala. Umuntu angaqeda ukuhlamba ukhwela embhedeni akhuphe umaliledininakhe. Ahlalele ukugandelela iinkunupe zakamaliledinini angaqedi. Kusetjenziswa amagama amnandi, amagama afana nokuthi, 'chat'. Wathoma umntwana wangena kikho ukuthintanokhu, angekhe usamkhulumisa. Ulala ebusuku. Uzwe athi qhorho! Qhorho! Kwande isihleko. Uthi nawuthi uyanbuza athi, ngisatjhatha. Ukhuluma nomuntu angamaziko ngitjho nejudeni, kesinye isikhathi bagcina sebavumelana ngokuvakatjhelana. Ungamvumela njani umuntu ongamaziko bona akuvakatjhele?


Omunye uvuma ukuvakatjhelana nomuntu kanti uzokuthathwa akhukhuthiswe ukuze ayokuthengisa iindakamizwa. Banengi abantu esele balahlekile ngonobangela we-SMS kuphela. Kuliqiniso bona ithekno loji iyatlhogeka, kodwana sifanele ukutjheja bona iza nani. Kwabanengi iza neenyembezi, kwabanye nepilo elula.

[Indaba le itjhugululiwe, ikhutjhwe ku-*Impact Grade 12*]

- | | | |
|--------|--|-----|
| 1.1.1 | Nikela amabizo wabantu ABABILI abanghonghoyila ngokusetjenziswa kwama-SMS kumbi. | (2) |
| 1.1.2 | Veza ezinye izinto EZIMBILI ezingakabalwa ethekstini ezisebenza ngokufanako ne-SMS ezingasetjenziselwa ukuthumela umlayezo ebantwini. | (2) |
| 1.1.3 | Tlola bona ama-SMS ngokuya ngokwetheksti aliphula njani ilimi? Nikela amaphuzu AMABILI kwaphela. | (2) |
| 1.1.4 | Ngokuya ngokwetheksti engehla abanikeli ngemisebenzi yezokuthintana badlala yiphi indima ekuthuweleliseni ukusetjenziswa kwama-SMS? | (2) |
| 1.1.5 | Ucabanga bona khuyini okuhle ngokuthumela umlayezo ngama-SMS? Nikela amaphuzu AMABILI. | (2) |
| 1.1.6 | Ngibuphi obunye ubungozi obungakaveli ethekstini obunga lethwa kusetjenziswa butjhulweni kwama-SMS? | (2) |
| 1.1.7 | Ngokuzwisia kwakho itheksti khuyini ukukhukhuthiswa? | (2) |
| 1.1.8 | Yitjho bona LIQINISO namkha AKUSILO IQINISO na.

UCarstence uthi abafundi babona ukuqakatheka kwelimi bangakafiki nemaYunesithi. | (1) |
| 1.1.9 | Uyini umlayezo wetheksti le ngama-SMS? | (1) |
| 1.1.10 | Hlathulula bona ngikuphi ongakwenza ukukhandela bona abantu banetjiwa namtjhana bakhukhuthiswe ngonobangela wama-SMS. Nikela amaphuzu abe MABILI kwaphela. | (4) |

1.2 Qalisisa isithombe esingenzasi bese uphendula imibuzo elandelako.



- 1.2.1 Wenza liphi igreyidi lo osesithombeni? (1)
- 1.2.2 Uyenze ngamuphi umnyaka igreyidi lelo? (1)
- 1.2.3 Kubonakala kunesiqunto asithetheko osesithombeni lo. Tlola izinto EZIMBILI ezizomsiza ukuphumelelisa isiquntweso. (2)
- 1.2.4 Nikela isithombe esingehlesi isihloko esingasifanelako. (2)
- 1.2.5 Hlathulula bona isithombesi sikhulumma ngani. (2)
- 1.2.6 Ngokubona kwakho kubayini itja yanamhlanjesi ithatha amagadango afana nawalo osesithombeni? Tlola amaphuzu AMABILI. (2)

IMITLOMELO YESIGABA A: **30**

ISIGABA B: UKURHUNYEZA**UMBUZO 2**

Fundisa itheksti engenzasi bese uyayirhunyeza ngokwemiyalo elandelako.

IMIYALO:


1. Ngamagama angadluli kwama-60, rhunyeza uveze amaphuzu ali-7 amimongo mayelana neenghonghoyilo abazali abanazo ngeminyanya yokulayeliswa kwabafundi bakagreyidi 12.
2. Nombora imitjhawakho kusukela kowoku-1 bekufike kwewe-7.
3. Umutjho ngamunye owutlolako awube nomqondo owodwa.
4. Tlola ngelimi elitsengileko ngombana uzokwabelwa imitlomelo emi-3.
5. Sebenzisa amagamakho ngendlela ongakghona ngayo ungabuyeleti utole okusesirhunyezweni.
6. Tlola inani lamagama owasebenzisileko ekupheleni kjesirhunyezo.

ILIMI LOKUKHULUMA NGAMATSHWAYO

ISeewula Afrika seyithuthukele ezingeni eliphezulu ngamalimi. Akuseselilimi elilodwa namtjhana amabili akhulunywako kwaphela. Selalitjhumi nanye amalimi anelungelo lokukhulunya ngokomthetho. Ngaphandle kwawo lawo, kukhona ilimi leSewula Afrika lokukhuluma ngamaTshwayo (i-SASL). Sekufike lapha abantu abakhulumu ngamatshwayo batjhejwa khona. Nakuvela umntwana ongezwako emndenini ukhanjisa kibodorhodere, kukatelelwwe bona ezwe. Abanye abantu vane bacabange bona umndeni lowo uthelwe ngebhadi. Nangabe akezwa ngokwemvelo umntwana uyathathwa ayokuhlalisa kude eenhlotjeni. Ngokuya ngabosiyazi abantu abengezwako, akukameli babandlululwe kodwana kufanele bathathwe njengaboboke abantu. Banamakghono wokwenza izinto njengawo woke umuntu ophilako. Nakukhona umuntu okwazi ukulungisa ikoloyi ihambe kutjho bona nomuntu ongezwako angayilungisa. Banomcabango okhaliphileko njengawo woke umuntu. Ayikho indaba yokobana umuntu ongezwako ziyamtjhiya ehloko. Bangafunda njengawo woke umuntu.

Emabubulweni aphezulu bayakwazi ukuba ziinkhulu, baphathe amabubulo. Basebenzisa imitjhinyana ebasiza ukuzwa itjhada. Ngitjhoo neemfundweni, bayakwazi ukwenza kuhle baphumelele ukudlula nalabo abezwako.

abantu abangezwako banelimi labo abazazi ngalo. Akukakateleki bona bazi isiNgisi nabazakuthintana nabanye. Bazwana ngamatshwayo wokukhuluma. Amatshwayo lawo akhambisana namaledere enziwa ngezandla. Alilimi elipheleleko.




abantu abangezwako eendlebeni bathabela umbhino njengawo woke umuntu. Ngesikhathi sokubhina basama khulu esikinyekweni elenziwa ngabanye nabagidako. Bayathaba nababona abantu bagida ngombana basuke babona isikinyeko. Okhunye kukobana abantu abangezwako bangaba nepilo yokuhlalisana njengawo woke umuntu. Bangatjhada babe nabantwana. Akutjho bona umuntu ongezwako angabeletha umntswana ongezwako naye. Akukandi bona bablethe abantwana abangezwako. Omunye uzibuza umbuzo wokobana umbelethi ongezwaako umuzwa njani umntswana nakalilako. Ipendulo kukobana umqala emlonyeni nakakhamisako amcabangele bona uyalila. Abantu abangezwako banesiphiwo esibuya kuZimu sokufunda iindebe zomlomo lokha abanye nabakhulumako. Bayizwa lula indaba ngalokho.

IMITLOMELO YESIGABA B: 10

ISIGABA C: IHLELO NOKUSETJENZISWA KWELIMI**UMBUZO 3**


Qalisisa isikhango esingenzasi bese uphendula imibuzo elandelako.



- 3.1 Isikhangolesi singotjhiswe kibobani hlangana kwabogogo, abantu abatjhadileko nabantwana besikolo? (1)
- 3.2 Khetha ipendulo engiyo kilezi ezingeembayaneni. Isikhangolesi lesi sinelimi (lokubawa, lokunikela ilwazi, lokukatelela). (1)
- 3.3 Kubayini umtloli wesikhangolesi atbole ngamagama amancani umutjho 'khamba ngekolozi yakho'? (2)
- 3.4 Nikela umbandela OWODWA ovezwe esikhangolesi esingehla. (1)
- 3.5 Nikela umutjhwana osesikhangolesi ohlathulula bona abantu bazokuza ngobunengi bazozithabisa. (1)
- 3.6 Nikela igama eliphikisana nelithi mnakwethu. (1)
- 3.7 Isikhangolesi sengathi siyabandlulula. Uthini wena ngalokhu? (1)
- 3.8 Ngombonwakho ucabanga bona abafundi bangakwazi ukuyokuzithabisa endaweni yokuzithabisa le? Sekela ipendulwakho ngomutjho OWODWA. (2) [10]

UMBUZO 4

Qalisa ikhathuni engenzasi bese uphendula imibuzo elandelako.



- 4.1 Yitjho bona mhlobo bani wesikhwelo esisekhathunini engehla. (1)
 - 4.2 Khuyini okwenza bona isikhwelo lesi sehluke kezijayelekileko iinkhwelo? (2)
 - 4.3 Umma osekhathunini lo ingabe usebenza wuphi umsebenzi? (1)
 - 4.4 Esikhundleni segama elithalelweko, tlola elinye elinembako.
Nawukhwela esikhweleni seteksi ukhwela ngeentepisi. (1)
 - 4.5 Tlola igama ELILODWA elijanyelwe libinzana elithalelweko.
Abantu abanengi bangarhala. (1)
 - 4.6 Dzubhula isifengqo/isithombengqondo sokungathekisa esisetjenziswe ekhathunini utjho nokobana sihlathulula ini. (2)
 - 4.7 Ucabanga bona ngisiphi isitayela esiphezulu okukhulunywa ngaso la? (2)
- [10]**

UMBUZO 5

Funda itheksti engenzasi uyizwisise bese uphendula imibuzo elandelako.

UTJWALA NOKUPHEPHA

Ungathomi uthi wena uphephile. Umuntu uthi angasela umrhamulo angene ekoloyini atjhaye. Ungena ekoloyini njalo uraga iimbuzi. Mhlapha nje kuzwakele umraro omkhulu, lapha umtjhayeli atjhayise isiqhema sabantu sizijamele. Ngikhulumu nje sesikibobamkhulu baso. Ukungagcini umthetho emntwini oyedwa, kubulalisa abanengi. Umuzikayise ungomunye oselako. Angasela ulala phezu kwesidrayivel. Selangasaboni kuhle. Umuntu oyedwa kuye babili. UMrhetjha, udorh, osebenza ngobulwele behliziyo uyayikhalima indaba yokusela khulu. Uthi amabele alimaza ihliziyo emntwini onganapilo.

Kunesibawo sokobana akubikwe abantu abangena eendleleni baselile emnyangweni wezokuphepha. Amaofisi lawo atholakala kwamhlanga. Licala elibomvu ukusela ubuye utjhaye.

- 5.1 Lungisa isirhunyezo esitlolwe ethekstini sitboleke ngendlela engiyo bese usitlola ngokuzeleko.
UMrhetjha udorh. osebenza ngobulwele behliziyo uyayikhalima indaba yokusela khulu. (2)
- 5.2 Tlola umutjho ngebizo 'amabele', utjengise bona lingaba nenyi ihlathululo ngaphandle kwehlathululo esethekstini. (2)
- 5.3 Sebenzisa igama elithi, 'umuzikayise' ukuphendula imibuzo elandelako:
 - 5.3.1 Tlola igameli ngendlela efanelekileko yokupeledwa kwamagama wesiNdebele. (1)
 - 5.3.2 Igameli lakhiwe ngeenkhekhe ezimbili. Tlola phasi iinkhekhe lezo. (1)
- 5.4 Tlola umutjho olandelako kodwana uwutlole ulandule.
Angasela ulala phezu kwesidrayivel. (1)
- 5.5 Sebenzisa umutjho olandelako ufake amagabhadlhela lapho kufanele khona.
Kunesibawo sokobana akubikwe abantu abangena eendleleni baselile emnyangweni wezokuphepha. (2)
- 5.6 Tsomula isibaluli emtjhweni olandelako bese uzakhela umutjho ohlukileko kilo.
Licala elibomvu ukusela utjhayela. (3)

- 5.7 Sebenzisa igama elinembako kilawo aseembayaneni ukuze umutjhwakho ufundeke kuhle.
- UMrhetjha uyabuzonda utjwala. Utjwala bulimaza ihliziyo. (ngombana, mhlawumbe, begodu) (2)
- 5.8 Sebenzisa amatshwayo wokutlola ngendlela efaneleko emagameni athalelweko asemtjhweni.
- Amaofisi lawo atholakala kwamhlanga (3)
- 5.9 Tlola igama elitjho utjwala elitholakala endatjaneni. (1)
- 5.10 Nikela igama lokuhlonipha elitjho 'ukutherezela ngonobangela wokudakwa' elitholakala endatjaneni. (1)
- 5.11 Nikela isithakazelo sakwaMahlangu esisetjenziswe endatjaneni. (1)
[20]

IMITLOMELO YESIGABA C: 40
INANI LOKE: 80